

永嘉四靈詩

丁巳十月

# 永嘉四靈詩

上海醫學書局聚珍本

芳蘭軒集

補遺 一百五十二首

宋徐

照

靈暉

二薇亭集

補遺 一百五十三首

宋徐

璣

靈淵

葦碧軒集

補遺 一百二十七首

宋翁

卷

靈舒

清苑齋集

補遺 一百三十二首

宋趙師秀

靈秀



四庫全書總目提要

卷一百六十二  
集部  
別集類

芳蘭軒集一卷

浙江鮑士恭家藏本

宋徐照撰照字道暉一字靈暉永嘉人與徐璣

翁卷趙師秀號曰永嘉四靈照即四靈之首也

嘗自號曰山民故其集又曰山民集趙師秀清

苑齋集有哀山民詩可以為證陳振孫書錄解

題獨稱照自號天民未知何據當屬傳刻之譌

也葉適作照墓誌稱其詩數百琢思尤奇皆橫

絕欵起冰懸雪跨使讀者變掉慘慄冑首吟歎

不能自己然無異語皆人所知也人不能道耳  
所以推獎之者甚至而吳子良荆溪林下偶談  
則謂適雖不沒其所長而亦終不滿之故其跋  
劉潛夫詩卷又有進乎古人而不已何必四靈  
之語後人不知以爲水心宗晚唐者誤也蓋四  
靈之詩雖鏤心鉅腎刻意雕琢而取徑太狹終  
不免破碎尖酸之病照在諸家中尤爲清瘦如  
其寄翁靈舒詩中樓高望見船句方回以爲眼  
前事道著便新又冬日書事詩中梅遲思閨月

楓道誤春花方回亦以爲思字誤字當是推敲  
不一乃得之是皆集中所稱佳句要其清雋者  
在此其卑靡者亦卽在此風會升降之際固有  
不能自知者矣照集原本三卷此本祇一卷不  
知何人所併又從瀛奎律髓得詩六首東甌詩  
集得詩二首東甌續集得詩一首併爲補遺附  
之於後焉

永嘉縣志本傳

徐照字道暉自號山民嗜苦茗甚於飴蜜手烹口啜  
無時上下山水穿幽透深拾其勝會向人鋪說無異  
好美色也有詩數百斲思尤奇皆橫絕歎起冰懸雪  
跨使讀者變掉慄肯首吟嘆不自已然無異語皆  
人所知也人不能道爾發今人未悟之機回百年已  
廢之學使後復言唐詩自照始惜其不及臻乎開元  
元和之盛也同爲唐詩者徐璣翁卷趙師秀照旣死  
師秀集常朋友殯且葬之在塔山林額兩村問其詩







芳蘭軒集

國朕天中孰民是賦土功永嘉徐陵照靈暉撰

更人自君之出矣

自君之出矣心魂遠相隨折破唐人絹經經是雙絲

自君之出矣玉琴生塵垢蓮子種成荷曷時可成藕

自君之出矣懶妝眉黛濃愁心如屋漏點點不移蹤

山水春日曲

中婦掃蠶蟻挈籃桑葉間小姑摘新茶日斜下前山

莫愁曲

莫愁石城住今來無莫愁只重石城水曾泛莫愁舟

三峽吟

山水七百里上有青楓林啼猿不自愁愁落行人心

蝗飛高

戰士屍上蟲蟲老生翅翼目怒體甲硬豈非怨氣激  
櫛櫛北方來橫遮遍天黑戍婦聞我言色變氣咽逆  
良人進戰死屍骸委砂礫昨夜魂夢歸白騎曉無迹  
因知天中蝗乃是屍上物仰面久迎視低頭淚雙滴  
呼兒勿殺害解繫從所適蝗乎若有知飛入妾心臆

猛虎行

猛虎出林行咆哮取人食居人慮虎至荆棘挂牆壁  
虎乃愛其身驚遁不近側人兮弗如虎甘心墮荆棘

妾薄命

初與君相知便欲肺腸傾只擬君肺腸與妾相似生  
徘徊幾言笑始悟非真情妾情不可收悔思淚盈盈

古怨曲

易得君知音難得君知心縱然恩義短寧使言語深  
渴飲貪泉水倦息惡木陰儻涉不美名曷可消煩襟

李夫人

延年有妹顏如花十四選入君王家翡翠結簾玉鏤  
牀君王一時無暫忘朝朝出入芙蓉殿莫道妾身出  
微賤妾生未久身入泉上天何不與妾年君王愛妾  
言不死逐夜宮中喚方士

廢居行

北風蕭蕭胡

一作邊

馬鳴邊人走盡空戶庭黃金埋藏

禾米棄路上逐日長饑行子西父南弗相守仰面看  
日啼無聲生身不合屬中土自昔無時無戰爭家桑



樵熟生野蛾蛙跳席箕田成坡一路幾州盡荒廢處  
處戰骨平草多傳報將軍殺胡虜取得山河歸漢主  
殘生只願還本鄉難保後裔無兵禍

促促詞

促促復促促東家歡欲歌西家悲欲哭丈夫力耕長  
忍饑老婦勤績長無衣東家鋪君不出戶父爲節級  
兒抄簿一年兩度請官衣每月請米一石五小兒作  
軍送文字一旬一輪怨辛苦

征婦思

年半爲郎婦郎去戍采石又云戍濠梁不得眞消息  
半年無信歸獨自守羅幃西風吹妾寒倩誰寄郎衣  
姑老子在腹憶郎損心目願郎征戰早有功生子有  
蔭姑有封

青鳩詞

勞勞復勞勞生人半行客今人行古道古道有行役  
相逢莫等閒相離易疎隔殷勤紅杏花徹宵對芳席  
明年花開人東西青鳩食花舊處啼

灘湖作

灘湖春來水拍天  
秋來水涸成乾田  
盈虛不可保富  
貴於人豈長好

何所歸

答簪下後灣  
罽罽下前浦  
遊鱗棲身更何所

柳葉詞

廣生案此首應列寄家書後

嫩葉吹風不自持  
淺黃微綠映清池  
玉人未識分離  
恨折向堂前學畫眉

越魚吟

越魚生水中  
專食水上禽  
禽又安知魚  
魚自生機心

越魚早來人釣得人卻放之反不食

送翁誠之

又作巴陵縣南州舊有聲未憑湘水綠能似長官清  
笛冷君山月帆輕夏浦晴五言多好句顏杜減詩名  
宿翁靈舒幽居期趙紫芝不至

江城過一宿秋氣入宵濃蛩響移礎石螢光出瓦松  
月遲將近曉角盡卽聞鐘人起行庭際思君恨幾重  
贈江心寺欽上人

客至啟幽戶筍屨行曲廊潮侵坐禪石雨潤讀經香



古硯傳人遠新篁過塔長城中如火熱此地獨清涼

白下山詩

白下巖州近崎嶇昔未經年豐山米賤溪涸石苔腥  
一月無新句干岑役瘦形人家今畏虎未晚戶先扃

贈劉明遠

一生嫌世俗不向市中居既是未攀桂卻堪同釣魚  
疾除禪老藥詩答野人書又說成丹鼎吾生愧不如  
送塵老入廣化米開田

行李衝冰雪途程半是船去從人乞米歸要海成田